

二經同卷

黃帝陰符經注 沈亞夫注

黃帝陰符經注 蔡氏注

閏九

黃帝陰符經注序

夫陰符三百言旨歸一也世人多同測玄奧
非太玄曰陽推五福以類升好德終命
六極以類降受貧惡弱聖人教演天一地二
三生萬物稟一炁而生是以修心合性修性
合炁炁合虛無虛無合體然後執天行道觀
象法言測三要之奧文煉五行之正炁陶甄
日月潛運坎離察陰陽造化之權通天地發
生之理經曰日月有數大小有定聖功生焉
神明出焉太哉深窮妙旨洞測真源得之則
長生矣之則輕命有以見演道演法演術三
字古聖賢秘而存焉乃天機密也不可輕泄
今略注解用導精微直貫无文易明大意上
則神仙抱一演道夫演道者還丹抱一之門
運炁走朝泥丸如炁元轉上朝天也人之无炁走於首

為之道字仙經曰長生不老還精補腦太清
玉訣曰若到河車地黃金滿我家是也中則
富國安民演法夫演法者中去邪欲之心上
朝溥坎之水為之法字是心為帝玉坦然得
一正其法度富國安民也太清玉訣曰若到
禍河津造白色藏真是也下則強兵戰勝演
術夫演術者木生火離中虛是水也坎中實
是火也是以中心行真水真火相伏為之術
字也太清玉訣曰若到紫精丹不死亦不難
是也

黃帝陰符經注

給事中沈亞夫注

演道篇第一

觀天之道執天之行盡矣

君子仰觀天道運行不息合法順動固其

性命乃保毓閱九天數盡矣

天有五賊見之者昌

天有五賊五行也日者火也火生於木木

克土月者水也水生於金金克木見五行

相賊相生是為寒暑故曰予仰視天文盜

五行順逆得其次序則天命昌廷乃長生

之大本

五賊在手心施行于天

天有五星人有五臟應眼耳鼻舌心者

五賊之首是以觀於五星經緯萬象內外

相成執天之道行矣

宇宙在手手萬化生手身

君子曉達真源譬天地在手手造化生手

心知萬物稟一炁生萬物之身也

天性人也人心機也立天之道以定人也